

BOSNA I HERCEGOVINA
FEDERACIJA BOSNE I HERCEGOVINE
TUZLANSKI KANTON
OPĆINSKI SUD U TUZLI
Broj: 32 0 St 421738 22 St
Tuzla, 01.12.2022. godine

Općinski sud u Tuzli, sudija Ilvana Delić kao stečajni sudija u stečajnom postupku nad stečajnim dužnikom **„FARMACOLUX“ doo Tuzla**, za proizvodnju, promet i usluge, ul. Džafer Mahala 15, nakon provedenog stečajnog postupka donio je dana 01.12.2022. godine slijedeće

R J E Š E N J E

DIREKTNO SE OTVARA stečajni postupak nad imovinom dužnika **„FARMACOLUX“ doo Tuzla**, za proizvodnju, promet i usluge, ul. Džafer Mahala 15, matični broj subjekta 1-2537, JIB: 4209027520007, račun broj: 1995060045658737 otvoren kod Sparkasse bank d.d BiH Sarajevo.

Za stečajnog upravnika imenuje se Besim Hamidović iz Zvornika, Križevici 173, Gušteri.

ZAKLJUČUJE SE stečajni postupak nad imovinom dužnika **„FARMACOLUX“ doo Tuzla**, za proizvodnju, promet i usluge, ul. Džafer Mahala 15, zbog nedostatka stečajne mase za pokriće troškova stečajnog postupka.

Rješenje će se objaviti na Oglasnoj tabli suda, WEB stranici suda, Službenim novinama F BiH, te dostaviti FIA.

Pravne posljedice zaključenja stečajnog postupka nastupit će po proteku osam dana od dana objavljivanja rješenja u „Službenim novinama F BiH“, a pravosnažno rješenje će se dostaviti Odjeljenju registra ovog suda, radi brisanja stečajnog dužnika iz sudskog registra.

O b r a z l o ž e n j e

Rješenjem Općinskog suda u Tuzli broj 32 0 L 421738 22 L od 26.04.2022. godine, otvoren je likvidacioni postupak nad imovinom društva **„FARMACOLUX“ doo Tuzla**, za proizvodnju, promet i usluge, ul. Džafer Mahala 15, a za likvidacionog upravnika imenovan je advokat Enver Hogić punomoćnik društva likvidacionog dužnika.

Oglas o otvaranju likvidacionog postupka, kojim se pozivaju povjerioci da prijave svoja potraživanja, objavljen je u Službenim novinama F BiH broj 34/22 dana 06.05.2022. godine i na oglasnoj ploči suda dana 27.04.2022. godine.

U zakonskom roku pristigle su prijave potraživanja povjerilaca i to: Uprava za indirektno oporezivanje RC Tuzla, prijavila je 30.05.2022. godine potraživanja u iznosu 1.301,53 KM i dana 06.06.2022. godine potraživanje u iznosu 175,00 KM, Porezna uprava F BiH KPU Tuzla, prijavila je dana 25.05.2022. godine potraživanje u iznosu 1.741,90 KM i povjerilac Jasna Dubravić zastupana po Kenanu Elezoviću advokatu iz Tuzle dana 06.06.2022. godine potraživanje u iznosu od 19.899,23 KM. Na ispitnom ročištu održanog dana 07.09.2022. godine likvidacioni upravnik priznao je sva potraživanja osim potraživanja Jasne Dubravić obzirom da presuda po osnovu koje su prijavljena potraživanja nije pravosnažno odnosno postupak se vodi pred Kantonalnim sudom u Tuzli po žalbi.

Obzirom da društvo nema imovine radi namirenja potraživanja povjerilaca i troškova postupka, likvidator je predložio sudu da postupi shodno odredbi člana 9. stav 2. Zakona o likvidacionom postupku, na način da obustavi likvidacioni postupak i izjašnjenje likvidatora smatra prijedlogom za direktno otvaranje stečajnog postupka.

Imajući u vidu da u smislu odredbe člana 2. stav 1. Zakona o likvidacionom postupku, propisano je da se postupak likvidacije provodi radi namirenja svih povjerilaca pravnog lica, unovčenju njegove imovine, a kako likvidacioni dužnik prema izjavi i dostavljenom izvještaju od strane likvidatora ne posjeduje imovinu koja bi činila likvidacionu masu za namirenje priznatih potraživanja povjerilaca, sud je dana 08.09.2022. godine donio rješenje kojim se obustavlja likvidacioni postupak, koje rješenje je objavljeno u Službenim novinama broj 75/22 od 21.09.2022. godine i postalo pravosnažno dana 04.10.2022. godine.

U smislu odredbe člana 103. stav 1., a u vezi sa odredbom člana 102. stav 7. Zakona o stečaju F BiH („Sl. novine F BiH“ broj 53/21), sud je rješenjem od 10.10.2022. godine uputio javni poziv kojim je pozvao predlagača, povjerioca i sva zainteresovana lica da u roku od 30 dana od dana objavljivanja poziva u službenim novinama predlože otvaranje stečajnog postupka i uplate iznos od 4.000,00 KM na ime otvaranja stečajnog postupka, iz kojeg predujmljenog iznosa bi se pokrili troškovi stečajnog postupka.

Rješenje kojim se pozivaju predlagač, povjerioci i sva zainteresovana lica objavljeno je u Službenim novinama F BiH broj 83/22 dana 19.10.2022. godine, oglasnoj tabli suda dana 11.10.2022. godine i na web stranici suda.

Obzirom da u ostavljenom roku koji je propisan zakonom predlagač, povjerioci ili neko od zainteresovanih lica nije izvršio uplatu predujma za finansiranje troškova stečajnog postupka, sud je u smislu odredbe člana 102. stav 8. Zakona o stečaju, donio odluku o otvaranju i zaključenju stečajnog postupka, na način određene u izreci rješenja.

Temeljem odredbe člana 102. stav 8. Zakona o stečaju, rješenje o zaključenju stečajnog postupka dostavlja se nadležnom tužilaštvu Tuzlanskog kantona, Poreskoj upravi FBIH i Upravi za indirektno oporezivanje BiH.

Nadalje, temeljem odredbe člana 204. stav 1. i 3., a u vezi sa odredbom člana 190. stav 10. Zakona o stečaju, rješenje se ima objaviti na oglasnoj tabli suda, WEB stranici suda, Službenim novinama F BiH te dostaviti za FIA, dok je odredbom člana 204. stav 2. istog Zakona propisano da pravne posljedice zaključenja stečajnog postupka proizvode pravno dejstvo u roku od 8 dana od dana objave ovog rješenja u Službenim novinama F BiH.

Odluka o brisanju pravnog lica iz javnih registara temelji se na odredbi člana 204. stav 5. Zakona o stečaju.

Na osnovu odredbe člana 206. stav 2 Zakona o stečaju, osnivač društva je dužan preuzeti arhivsku građu i istu predati nadležnom arhivu na čuvanje.

Temeljem odredbe člana 102. stav 8. Zakona o stečaju sud je postupio kao u izreci rješenja.

STEČAJNI SUDIJA
Ilvana Delić

POUKA O PRAVNOM LIJEKU:

Protiv ovog rješenja stečajni povjerioci i stečajni dužnik mogu izjaviti žalbu Kantonalnom sudu Tuzla, putem ovog suda, u roku od 8 dana, od dana objavljivanja rješenja u Službenim novinama.